

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 61/15
Sarajevo, 20.11.2015. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE
ODRŽAN 20.11.2015. GODINE

Sjednica je održana u prostorijama Vrhovnog suda u Sarajevu sa početkom u 12:00 sati

PRISUTNI ČLANOVI US FBiH: Božana Banduka, Šabić Mustafa, Mirjana Dević, Hakija Zajmović, Aladin Bajrić, Stjepan Mikulić, Jasmin Jahjaefendić, Muhamed Kovač, Zdenka Filipović, Vildana Helić

ODSUTNI ČLANOVI US FBiH: Amra Muratbegović (opravdano), Nedim Begić (opravdano), Zuhdija Čosić (opravdano), Jozo Anđić (opravdano), Amir Ahmetspahić (opravdano).

DNEVNI RED

1. Usvajanje zapisnika sa prethodne sjednice USFBiH (21.09.2015)
2. Izvještaj sa druženje članova Udruženja Vlašić 02-03.10.2015. godine
3. Izbor članova Organizacionog odbora Neum 2016.
4. Razno

Dnevni red usvojen bez primjedbi.

AD.1

Zapisnik sa sjednica predsjedništva je dostavljen članovima predsjedništva. Nakon iščitavanja zapisnika sa sjednica predsjedništva 21.09.2015. zapisnik je usvojena bez primjedbi.

AD.2

Predsjednica Udruženja su upoznale članove predsjedništva sa izvještajem sa druženja članova udruženja na Vlašiću 02-03.10.2015. Druženje je dobilo veliki broj pohvala od članova koji su prisustvovali. Predsjednica je upoznala i članove predsjedništva da je sačinjen finansijski izvještaj sa druženja. U izvještaju su prikazane rashodi po ograncima a na osnovu odluke o načinu finansiranja druženje članova udruženja Vlašić 02-03.10.2015.

Članovi predsjedništva su primili na znanje izvještaj predsjednice sa druženja i nisu imali nikakvih primjedbi.

Članica predsjedništva g-đa Vildana Helić smatra da druženje treba postati tradicionalno, godišnje i da se planira naredne godine da se na ovo druženju pozovu sudije članovi koji su u tom periodu otišli u penziju te da im se uruče prigodni pokloni povodom dugogodišnjeg članstva i služenju pravosudnoj zajednici.

Ostali članovi predsjedništva su jednoglasno prihvatili ovaj prijedlog i odlučili da se druženja članova predsjedništva planira da se održi naredne godine u periodu početkom mjeseca oktobra 2016. godine.

AD.3.

Predsjednica Udruženja je upoznala članove predsjedništva o početnim aktivnosti oko organizacije krivičnog savjetovanja Neum 2016. Potrebno je da se imenuje članovi organizacionog odbora i predsjednik organizacionog odbora ispred Udruženja sudija/sudaca u FBiH koji je nosilac aktivnosti oko organizacije Savjetovanja.

Članovi predsjedništva su donijeli jednoglasnu odluku u kojoj se određuje da za predsjednika organizacionih odbora krivičnog savjetovanja Neum imenuje član predsjedništva Vildana Helić koja ima veliku iskustvo u organizaciji i vođenju krivičnog savjetovanja Neum. Kao članove organizacionog odbora ispred Udruženja sudija/sudaca FBiH još se imenuju Božana Banduka predsjednica Udruženja i Denis Bilajac sekretar Udruženja.

Odluka broj: 62-1/15. od 20.11.2015

AD 4.

Razno:

1. Na kancelariju Udruženja sudija/sudaca u FBiH 16.11.2015. je dostavljen poziv na predsjednicu Udruženja od strane VSTV-a za učešća članova predsjedništva Udruženja na konferenciji „Razvojni put reforme pravosuđa“ koja će se održati 09-10.12.2015. na Jahorini. Nakon iščitavanja sadržaja poziva utvrđeno je da udruženje treba delegirati 4 člana za konferenciju te dostaviti spisak delegiranih članova VSTV-u BiH do 21.11.2015.

Nakon kraće rasprave članovi predsjedništva su odlučili da ispred Udruženja sudija/sudaca u FBiH na konferenciji će učestvovati: Božana Banduka, Jasmin Jahjaefendić, Aladin Bajrić i Zdenka Filipović. Također je odlučeno ako neko od članova predsjedništva koji su imenovani na konferenciju bude spriječen da prisustvuje konferenciji da će predsjedništvo naći zamjenskog člana od članova predsjedništva.

2. Član predsjedništvo udruženja Mustafa Šabić je upoznao prisutne članove da je on imenovan za sudaca Vrhovnog suda FBiH te da više ne može predstavljati ogranak ZE-DO kantona koji ga je imenova za člana predsjedništva ispred tog kantona. Sekretar Udruženja je dodao da je u kontaktu sa predsjednikom ogranka ZDK g-dinom Edibom Kučukovićem koji ga je obavjestio da zbor ogranka ZDK imenovati novog člana predsjedništva ispred ovog kantona na sastanku zbora ogranka koji je planiran za mjesec decembar 2015. godine.

Članovi predsjedništva su primili na znanje informacije te su zauzeli stav pošto po Statut Udruženje nije definiran ovakav slučaj, da član predsjedništva g-din Mustafa Šabić pošto obavlja osim funkcije člana predsjedništva je i jedan od potpredsjednika Udruženja, ostane član predsjedništva i nakon što ogranak ZDK imenuje novog člana predsjedništva ispred svog ogranka.

Donesen je zaključak da član predsjedništva Mustafa Šabić ostaje član predsjedništva sve do istaka mandata trenutnog sastava predsjedništva Udruženja.

3. Na kancelariju Udruženja sudija/sudaca u FBiH je zaprimljen dopis od predsjednika USK kojem se zahtjeva odobravanje neiskorištenih sredstava ogranka USK za 2015. godinu po statutu Udruženja a za organizovanje godišnjeg okupljanja nosilaca pravosudnih funkcija USK. Članovi predsjedništva su jednoglasno odobrili ogranku USK povlačenjem neiskorištenih sredstava USK za 2015. godinu po Statutu udruženja.

Odluka broj: 62-2/15. od 20.11.2015

4. Članica predsjedništva Udruženja g-đa Mirjana Dević je iznijela inicijativu da Udruženje sudija/sudaca uputi dopis na adrese Ministarstva pravde FBiH, Ministarstva finansija FBiH i na ruke premijera vlade FBiH, jer u sudovima koji se finansiraju iz federalnog nivo još nikad nije usklađena plaća na osnovu člana 6. Zakona o plaćama i drugim naknadama sudija, tužilaca i stručnih saradnika Federacije Bosne i Hercegovine (korekcija osnovnih plata sudaca i tužitelja u Federaciji BiH). Nakon kraće rasprave i ostali članovi predsjedništva su saopštili da imaju problem oko isplaćivanja regresa te da u nekim kantonima regres nije isplaćen u protekle 4 godine.

Članovi predsjedništva su odlučili da se uputi dopis u kojem se traži da se hitno primjene sve odredbe Zakona o plaćama i drugim naknadama sudija, tužilaca i stručnih saradnika Federacije Bosne i Hercegovine i to:

- Premijeru FBiH, Ministarstvu finansija FBiH i Ministarstvu pravde FBiH za ne usklađivanje plaće po člana 6. Zakona o plaćama i drugim naknadama sudija, tužilaca i stručnih saradnika Federacije Bosne i Hercegovine.
- Premijeru SBK, Ministarstvu finansija SBK i Ministarstvu pravde SBK zbog neisplaćivanja regresa sudcima u tom kantonu u periodu za 2012, 2013, 2014 i 2015 godinu.
- Premijeru USK, Ministarstvu finansija USK i Ministarstvu pravde USK zbog neisplaćivanja regresa sudcima u tom kantonu u periodu za, 2014 i 2015 godinu.
- Dopis VSTV-u BiH na ruke predsjednika i članova VSTV-a gdje se upoznaju da je predsjedništvo Udruženja uputili dopise zbog nepoštivanja Zakona o plaćama i drugim naknadama sudija, tužilaca i stručnih saradnika Federacije Bosne i Hercegovine zbog nepoštivanja člana 6. navedenog zakona i neisplaćivanje regresa u pojedinim kantonima.

Sljedeća sjednica je planirana za drugu polovinu mjeseca Januara 2016. godine u Kiseljaku.

Sastanak je okončana u 13:15 sati

**Predsjednica Udruženja
sudija/sudaca u FBiH
Božana Banduka**